

Platt partu:

Rundbreef 2024-07

Kieler-Week-Riemel

"Wenn sich die Segeltücher bauschen,
willst du mit mir Bücher tauschen?"
"Ehrdat ik mit di Böker tuuschen do,
kiek ik de Seglerkeerls bi't Duschen to!
Un sowiso is mi dat veel to windstill!
Ik gah nu fein wat eten, wiel ik Stint will!"

Moinmoin, leve plattdüütsche Maten un Frünnen!

Tja, för Stint is dat nu leider de verkehrte Tied! Man sünst giff't in'n Junimaand allens Leckere, vun Spargel bet Matjes. (Uns Addi Kahl [weet, woans een den fischt!](#)) Un bi uns giff't so'n poor Leckerien op Platt -- op ganz sutje Wies serveert.

De [Rosenmaand](#) füng mit de Schaapsküll an -- de [al lang nich mehr so küll is as fröher](#), weet Meike Balzer-Fraun -- un enn mit den [Söbenslöper](#), de in sienen Slaap sachs ok [vun Football dröömt](#). In [uns Natuurnotizbook](#) geiht dat levig to -- un deelwies ok lyrisch. Jaja, wi sünd lyriklastig, dat giff't ok bi [Künst](#) dütmaal wedder [Versen to Biller](#) vun mi un [Limericks mit Biller](#) vun Ludgerd Lüske. Un bi [De Welt un Gott](#) en niege Folg vun de heel beleevten [Beden för Kinner](#). Dormit is dat denn avers ok noog mit Verse! Behrend Böckmann erinnert sik an dat [Mobbing, dat he as Kind eenfach wegsteken müß](#), wioldat dormalen nüms en Drama vun möök; Berthold Cordes [recycelt reinweg allens](#), man he smitt ok en kritischen Blick op den [künstlichen Plie un de Gefohren för de Minschen](#). Ik sorg mi üm de [Demokratie un den Rassismus in'n Football](#), Behrend Böckmann geiht [Demokratie ok mal to wied](#), un [en Lied deit em leed](#). Tominnst de [Dörpsmusik in't Kinnerflack speelt anner Leder](#), un mit den [ersten Reisesegen](#) fangt al de Urlaubstied an.

Much düt Sommer-Idyll ok in'n Julimaand dör den heel sportlichen Sommer lebennig blieven! Much jümmers de Betere winnen! Wi leest uns denn wedder in'n Aarnmaand. Blievt Se fein sund!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Limericks för Juni](#) van Ludgerd Lüske (29.6.)

[Notizen ut'n Christmaand](#). Fotos un Versen vun Marlou Lessing (23.6.)

De Welt un Gott:

[Mehr Beden för Kinner](#) (30.6.)

[Wenn ik mi so recht besinn...](#) vun Behrend Böckmann (29.6.)

[Petri Heil, Petri Dank!](#) vun Addi Kahl (16.6.)

[Fautballdroom](#) vun Behrend Böckmann (15.6.)
[Jungs köönt einfach allns bruken](#) vun Berthold Cordes (13.6.)
[Künstliche Klookheit \(kK\)](#) vun Berthold Cordes (8.6.)

In't [Lütte Gebeedbook](#):

[Reisesegen](#). Vun Marlou Lessing (30.6.)

[Natuur un Wetenschap:](#)

[De Söbenslöper](#). Vun Berthold Cordes (27.6.)
[Dei Rosenmånd](#). Vun Behrend Böckmann (23.6.)
[Schaapsküll](#). Vun Meike Balzer-Fraun (8.6.)

In't [aktuelle Natuur-Notizbook](#):

[Schaaps-Hood un lütte Schaaps-Wulken](#). Vun Berthold Cordes (23.6.)
[Elegante Flegger](#). Vun Thomas Seemann (16.6.)
[En Amsel singt ehr Avendleed](#). Vun Berthold Cordes (5.6.)
[Dei Appelbom, dei Gesellschaft kreeg](#). Vun Behrend Böckmann (5.6.)
[En Wunner?](#) Vun Marlou Lessing (4.6.)

[Wat in de Welt vörgeiht:](#)

[L'amour toujours: 'n Lied hett Pech](#) vun Behrend Böckmann (28.6.)
[Wenn Demokratie tau demokratisch ward](#). Vun Behrend Böckmann (15.6.)

In't [plattdüütsche Notizbook](#) vun Marlou Lessing:

[Dor hebbt wi den Salaat II](#) (28.6.)
[Dor hebbt wi den Salaat](#) (11.6.)
["De Minschen mitnehmen"](#) (5.6.)
[Loser-Denke](#) (4.6.)

[För Kinner:](#)

Modder Sünn ehr Kinner: [De fidele Dörpsmusik](#). Märken vun Sophie Reinheimer, överdragen vun Klaus-Dieter Tüxen (28.6.)

Hartlich grööt

Marlou Lessing un dat lütte Plattpartu-Team